

CONGREGATIO DE CAUSIS SANCTORUM

SANCTISSIMAE ASSUMPTIONIS

BEATIFICATIONIS et CANONIZATIONIS

VEN. SERVAE DEI

MARIAE FELICIAE A IESU SACRAMENTATO

(in saeculo: MARIAE FELICIAE GUGGIARI ECHEVERRÍA)

SORORIS PROFESSAE ORDINIS CARMELITARUM DISCALCEATORUM

(1925-1959)

DECRETUM SUPER MIRACULO

Venerabilis Serva Dei Maria Felicia a Iesu Sacramentato (in saeculo: Maria Felicia Guggiari Echeverría) die 12 mensis Ianuarii anno 1925 Villae Divitis in Paraguaia nata est. Prima septem filiorum fuit. Sacro fonte tertio anno aetatis suae lustrata est. Sua in adolescentia Actioni Catholicae interfuit et operam dedit in apostolatu exercendo. Politicae vicissitudines eius nationis, quae laborabatur inter liberales postulationes et reditus dictatorios, suam etiam familiam turbaverunt, quae ad Assumptionopolim sedem mutavit. Illic Serva Dei operam suam magistrae munere impendere inchoavit. Vehementissima inquisitio vocationalis eam perduxit ad

propositum se Domino omnino consecrandi; hac re, Assumptio-nopolis coenobium Carmelitarum ingressa est. Ex inde secretis-sime in monasterio vixit, tota in oratione et in contemplatione defixa suamque quidem vitam pro sacerdotibus offerendo. Anno 1955 monastica veste induit et sequenti anno professionem votorum ad tempus emisit. Magnae animi angustiae tempestatem experimentavit, quod ei fere fuit "*obscurissima nox*", quae tamen eius fidem et desiderium Deo totaliter se offerendi firmiter corroboravit. Eius quidem valetudo gradatim infirmavit, maxime cum hepatite infectiva correpta esset. Serva Dei eo magis fervidiore modo Christi passioni particeps fuit et hic mundo lumina die 28 mensis Aprilis anno 1958 clausit. Summus Pontifex Benedictus XVI anno 2010 heroicas virtutes eius agnovit.

Beatificationis respectu, Causae Postulatio iudicio huius Congregationis de Causis Sanctorum miram quandam pueri nuper nati sanationem subiecit, quae Novae Germaniae in Paraguaia anno 2002 evenerat. Puer parentum surdorum ac mutorum filius, die 15 mensis Augusti eiusdem anni per urgentem caesaream operationem natus erat quibusdam cum functionum vitiis scilicet epidermidis squamatione in nonnullis corporis partibus, cyanosis diffusa, musculorum hypotonia, funiculo umbilicali circa collum abstricto, cordis pulsationum absentia. Puer omnino ater videbatur. Ante hanc clinicam difficilem ambagem necessarium fuit respirationem artificialem adhibere necnon cordis sollicitationem, haec omnia fere nullum effectum contingerunt. Res paucis momentis tempo-ris in peius ruit. Praeterea etiam quaedam instrumenta adhibenda illis in necessitatibus inabilia comperta sunt, qua re amplius moratum est cum impedimento in conatu redanimationis. Pueri totum corpus ad viridem colorem inductum est.

Illis in adiunctis quaedam aegrotorum ministra valde devota Venerabili Servae Dei eidem suam intendit invocationem ut puer sanaretur. Statim post vix dimidiam partem horae in puero prima invencta sunt signa redintegrationis functionis tam cordis quam pulmonum eo ut puer amplius in curationes progredi posset et post quattuor et decim dies e valetudinario bona valetudine demitteretur. Sicut etiam sequentes clinicae inquisitiones confirmaverunt puer omnino sanatus evasit et ad naturalem progressionem vitae rediit, quamvis familiae adiuncta ei stimula ad locutionis apta suppeditare non valeret.

Evidens est concursus temporis et consequentia inter Venera-bilis invocationem et pueri sanationem, quae deinceps naturali socialique vita pollens sanus fuit.

De hac sanatione mira aestimata iuxta Curiam Ecclesiasticam Sanctissimae Assumptionis a die 25 mensis Aprilis anno 1996 ad diem 7 mensis Aprilis anno 1997 Inquisitio Dioecesana celebrata est cuius iuridica validitas ab hac Congregatione de Causis Sanctorum per decretum diei 28 mensis Octobris anno 2011 est approbata. Medicorum Consilium huius Dicasterii in sessione diei 6 mensis Iulii anno 2017 declaravit sanationem celerem, perfectam, constantem et ex scientiae legibus inexplicabilem fuisse. Die 26 mensis Octobris anno 2017 Congressus Peculiaris Theologorum Consultorum, positivo cum exitu, auctus est. Die 9 mensis Ianuarii anno 2018 Patres Cardinales et Episcopi Ordinaria in Sessione congregati, cui egomet ipse Angelus Cardinalis Amatus praefui. Et in utroque Coetu, sive Consultorum sive Cardinalium et Episco-porum, posito dubio an de miraculo divinitus patrato constaret, responsum affirmativum prolatum est.

Facta demum de hisce omnibus rebus Summo Pontifici Francisco per subscriptum Cardinalem Praefectum accurata relatione, Sanctitas Sua, vota Congregationis de Causis Sanctorum excipiens rataque habens, hodierno die declaravit: *Constare de miraculo a Deo patrato per intercessionem Venerabilis Servae Dei Mariae Feliciae a Iesu Sacramentato (in saeculo: Mariae Feliciae Guggiari Echeverría), Sororis Professae Ordinis Carmelitarum Discalceatorum, videlicet de celeri, perfecta ac constanti sanatione cuiusdam pueri modo nati a "grave e protratta asfissia perinatale"*.


Hoc autem decretum publici iuris fieri et in acta Congregationis de Causis Sanctorum Summus Pontifex referri mandavit.

Datum Romae, die 6 mensis Martii a.D. 2018.



ANGELUS Card. AMATO, S.D.B.

Praefectus



✠ MARCELLUS BARTOLUCCI

Archiep. tit. Mevaniensis

a Secretis